

隄防三

圖說

案湖北境爲江漢兩大川流域凡濱江之縣二十有四濱漢之縣十有六江水上游自宜都以上漢水上游自光化以上俱屬山嶺重沓地居高阜無事隄防餘則以隄爲命雖有輕重緩急之殊而皆不能不從事於此今取濱江自松滋以下至於黃梅計南北兩岸十二縣濱漢自襄陽以下至於夏口計南北兩岸十縣系以圖說而各縣水道與之有關係者亦附及焉敘次自上而下從水之源委也

濱江各縣隄防圖說





松滋縣

江水自枝江縣歷涇洲漏洲羊角洲過縣北又東爲上下百里洲
自枝江界至此凡一百六十里分三派下流復合爲一達於江陵
沿岸築隄由龐家灣起至古牆止其軍民隄五十七工計長一萬
二千二百十八丈七尺縣境地勢平衍三峽江流至此始得展蕩
最難防禦又爲公安石首諸縣之上流江隄一決正當諸縣胸腹
其形勢尤爲要害舊有采穴分洩後以故道湮塞明時已決無慮
歲每與下游諸縣同患隄防其首務也至縣南有滄水源出起龍
山南河出山南北河出山北合而東流入王家湖至公安縣界入
油河又有石牌河在縣南源出龍潭下流合滄水又裴家河在縣
南流入油水又清幽溪在縣南自澧州慈利縣之添坪麻寮三所
流至此分爲三支一至公安縣西之孫黃渡入江一至江陵縣之

虎渡口入江均與江陵接界之張伯湖公安接界之西湖三岡湖分資灌溉惟濱江地則倚隄爲命矣

江陵縣

江水自松滋入縣界經鳴子口龍洲新淤洲卽今窖金洲新泥洲凡二百里抵二聖洲入公安縣界荊州向有九穴十三口分洩江流江陵縣則郝穴獐捕穴石首縣則宋穴楊林穴調弦穴小岳穴監利縣則赤剝穴今稱尺八松滋縣則采穴合潛江縣之里社穴而九宋時諸穴通暢江患差少元大德中重開郝穴赤剝穴宋穴楊林穴調弦穴小岳穴共六穴元末漸湮明嘉靖初又堵築郝穴隆慶中議開後復湮塞今只調弦一穴其十三口惟虎渡口餘無考石案首之藕池口南達華容安鄉等縣航路遠通與虎渡及調弦相亞也縣境沮水楊水了角廟水浩子口河漕河諸水均詳見川志縣境南臨大江案縣境僅虎渡一汛在江南岸北通

志四十一

建置十七 隄防

三

潛漢江北大隄

案卽所謂萬城大隄也詳見萬城隄志

除堆金得勝二台續增之工

計長六里外上自逍遙湖起至橫隄止爲官工共二十五段長一萬四千八百七十七丈又自阮家灣起至拖茅埠止爲民工共四十段長二萬三千一百二十二丈向隸荊州同知經管今改爲荊州府轄又河隄自沙橋門起至張家場止計長四十里係江陵縣丞汛經管又直河隄分十三工計長三十五里一分六釐零係龍灣巡檢汛經管各隄歲修俱係按畝徵土官爲修理江隄迎溜頂沖以沙市郝穴二工爲最險然近年江底淤高夏汛輒易泛漲上游如堆金得勝二台隄多滲漏自橫隄而下水平隄面之處甚多孟家垸至拖茅埠尤甚若南岸之隄其潰決亦多因漫而然南岸隄自古牆埠起至王家湖止共十六工長九千四百六十八丈進虎渡口東支隄自崔家垸起至王家垸止共十三工長七千二百

一十丈又自石家廟起至王家湖止共十二工連荆左右衛計長五千九百五十三丈二尺均隸江陵縣轄

按縣境江隄西起萬城東南抵拖茅埠計長二百二十里險工林立不獨沙市郝穴二王蓋萬城一帶實爲首險故二百餘里江隄統名萬城自萬曆間大隄潰決至乾隆五十三年又潰均在萬城同治庚午歲江水暴漲狂風雷雨連日不息大隄出險萬狀危而獲安故籌荆江隄防者莫不以萬城爲首要焉

公安縣

江水自江陵縣流入縣境又東入石首縣界沿江俱築以隄自呂江口起至石首界止共長二萬二千六百七十六丈五尺又虎渡百支隄自李家口起至高家汶止軍民隄共長八千三百六十丈虎渡東支隄自沙河口起至豐家榨止軍民隄共長八千五百四

千丈內以西湖廟工最爲頂冲險要又縣東有虎渡河分江水支流自北而南入澧水下達洞庭湖又於虎渡東分一支名黃金口東南流至孫淵口注於霧溪觜東入洞庭黃金口又分一支折而東其自北流者爲上下九湖及白水長湖汪家口諸水自南流者爲魚堰陸遜諸湖出孫淵口與黃金口支流合又分三支西流一通大東湖馬長河上下紀湖一通陸耳等湖一通牛浪等湖又縣南有孫黃河西自松滋流入縣界縣西有油河自松滋流入西與澧水合又北流入江近以隄阻不能逕入縣西又有一水亦自松滋流入會孫黃河同入港口歸虎渡河與縣志載油河近蓋縣境川澤縈迴如能通脈絡以資灌溉固膏沃之區也特以支河久淤江水分洩而下稍滿則溢如東北之下九湖至汪公橋黃金口至瓜渚湖口西北之大秉湖口至新河口蔣花剏林子湖蘇家渡新

河鐵匠河洪家垸小河各口均已湮塞亟宜深濬俾暢其流至江岸更倚隄爲命一有潰決洪濤滿野宣與防不能偏廢也

石首縣

江水逕縣城北又東南流百二十里至監利縣城南沿江築隄自公安界之軍隄起歷楊林煙堆馬林響觜楊樹各工至縣城南又自縣城門外分十工至列貨山北止名梓枏大隄上下共十六工長八千八百七十五丈又楊樹工之東南山岡起有黃金白洋二隄至列貨山南止共長三百六十八丈係禦黃金剝外九湖之水與江隄無涉又距縣七十里江北岸有毛老垸界江陵監利間長九百八十丈各隄均係按畝徵土官爲經修縣南有調弦口分江水支流經縣東焦山下名焦山河入湖南華容縣境以達洞庭湖又縣西南有內外九湖曹屯諸湖又西通公安之上下九湖四境山重水複濱江隄勝時虞泛漲舊有楊林穴宋穴調弦穴小岳穴以殺江水之勢今惟調弦一穴防禦自關緊要矣

監利縣

江水自石首縣南流百二十里至縣城南又東南流六十里至華容縣界沿江築隄自石首界起至祖師殿止共長一萬一千一百四十二丈零隸密圻巡檢轄自密圻羅家巷起至鳳凰嘴止共長七千三百三十六丈自鳳凰嘴起至陶家埠止共長一萬二千九百一十一丈六尺均隸縣丞自口子河起中間巴陵隄一段至倪家洲止共長一萬四千零八丈一尺隸朱河主簿自礪口起至倪家峰交沔陽界止共長二萬一千一百二十三丈隸白螺巡檢以上均係江隄太馬長河自東北迤南亦有河隄長二萬三千二百二十丈隸朱河主簿蓋縣西諸水一由江陵白鷺湖上承潛江分支

漢水至古井口入境南流爲南塞口出西河背爲蓮臺河又迤東斜南入太馬長河一由江陵草市河北匯潛江支分漢水出楊林關爲府場河至董家港南接太馬長河是隄所以禦漢水支流之浸灌也太馬長河一名魯汭江卽夏水詳見川志縣境周四百五十里地本膏腴惟當江湖之會全恃隄防各工以密圻腦新集車灣尺八口最爲頂冲險要鐵牛寺卡子壩紅旗營等處雖冬春水涸距江甚遠而一經夏漲亦有衝齧之患隄塍潰決近十餘年尤甚民困斯極良以全境地勢平衍湖澤縱橫舍致力隄防而外無他策若疏濬牛頭港新溝背周老背龍潭河及各支河尤能暢歸壚而消積潦也

沔陽州

江水自監利縣界東北流入境又東北流入漢陽縣界計長一百

志四十一

建置十七 隄防

六

五十里江隄西自西流垵起至范洲垵止計長七千二百五十丈二尺五寸隄州同又東自烏林垵起至玉沙界止共長八千一百九十六丈五尺隄鍋底巡檢各工以新隄之史家茅埠楚屯三垵迎溜頂冲爲濱江險要至由漢出之潛水自西北而東南縈紆流注於全境一支自監利入者名夏水一支自澤口入梅家嘴過監利入境爲府場河注於洪湖由新灘口入江一支自劉家場至土地港與澤口之支河會注於洪湖又城河一小支抵沙湖出沌口入江其在東南境者黃蓬湖東出爲復車河出新灘口入江又一支自三灣入陽明湖亦由新灘口入江

嘉魚縣

江水自湖南臨湘縣而東一百一十里至石頭口驛有陸溪口上承陸水及龜湖水又石頭口上承臨湘蒲圻諸水自南來注之又

東北七十里至縣城西北七堅又東北九十里至上下簪洲又東入江夏縣境江北岸自馬鞍山起至石家墩止計長三千二百三十九丈五尺係本縣自修隄又自老隄角起至應家碼頭止計長二千五百二十六丈五尺係蒲圻縣協修隄又自平字號起至老鶴嘴止計長三千三百七十九丈係咸甯縣協修堤又自夏田寺起至上沙汊陶家碼頭止共長二千七百九十丈係江嘉蒲咸四縣公隄由府派修向俱有民捐隄工專款生息作歲修之用東南有楊林西保斧頭等湖及南通咸蒲二縣之青草百家西梁諸湖之水在隄之內東注金口長港入江如江水盛漲則由長港逆流倒灌嘉蒲咸三縣均受其害舊通志謂宜相其要害於雨灌南廟兩山之閒建兩閘春啟以洩湖水夏閉以禦江流是亦保障四縣之長策也近年江底淤墊隄垸易潰四縣攸關可不慎乎

江夏縣

江水自嘉魚縣界東至上沙汊入縣境稍北至金口鎮歷鮎魚套抵黃鵠磯凡九十里又西北過會城漢水入焉又東北至白澗山入武昌縣界凡九十里會城偪臨大江北受漢水之衝又東南諸湖水出而入江輳於城下黃鵠磯崖石陡峭江水迴環激射每有泛漲之患宋紹興閒築萬金隄建壓江亭今隄半在城內爲民居址後於江岸自望山門外王惠橋起至武勝門外土城磯止甃石爲隄計長一千三百一十九丈護岸六百八十八丈舊係鹽商照引捐建又自保安門外金沙洲起至金口山後龍牀磯止六十里謂之長隄編十四字號並老隄十四段計長六千二百八十一丈五尺又自金口赤磯山起至陶家碼頭嘉魚界止編十字號連月隄共長三千六百十三丈均有民捐隄工專款生息以爲歲修之

用加高培厚歷以爲常至若道光辛卯水災會城望山文昌平湖漢陽武勝五門俱進水各門以外舟行如市平地深至丈許城內半爲波濤戊申己酉亦然是又難以畚鍤之力與爭矣塗水源出咸甯至金口入江詳見川志又西南五里鮎魚套洩清甯湯孫等湖及賽湖之水西北流入江俗呼裏河與白沙洲相對有陳公套向爲商船泊處今淤縣南三里有南浦一名新開港源出景首山內通南湖之水西入江今惟夏秋泛漲可行小舟梁子湖在縣東八十里由武昌縣樊口入江白洋湖在縣東北十五里西北流逕青山磯入江縣本以水名大江合漢河北繞而東境內又多湖澤雖金沙洲與王惠橋沿江有土石隄百餘里而洪濤衝齧傾圯時虞焉

按省城武勝門外東北五里曰塘角一作壇爲江流灣處船舶多

停泊避風於此道光己酉夏江漲鹽船數十百艘泊灣內炊薪失慎火起風猛焚溺甚慘後漸墊淤商舶多移泊漢口大府思規復故迹乃相度形勢更開新河光緒二年十月開工三年十月告成名曰新河長三里許形如半月但河身過曲易致停淤十七年乃於新河下段復開二里許河身稍直自此稱上口爲上新河中爲中新河出口爲下新河二十三年又疏濬通暢計長五里許卽以濬河之土築隄上抵省城外江岸石坡下抵紅關約長六七里由紅關至青山磯之長隄卽接此隄修築者也新河環抱間之平地光緒間爲英商所租借建有房屋江岸築石坡作泊船之用

漢陽縣

江水在縣南自沔陽界流入縣境之東江腦又東北經大小軍山

又東北經縣城南又東北抵大別山凡一百五十里漢水自大別山北東流稍南入於江卽漢口也俗呼小河口此外入江之口則以沌口新灘口爲大蓋沌口上承沔陽陽明諸湖匯於太白湖自沌口出江新灘口上承沔陽黃蓬諸湖東注於江是二口爲監利江陵潛江沔陽諸湖澤及漢水支流入江之總路也其隄防以攔江隄爲要云

夏口廳

江水自漢陽縣境過小河口卽漢水入江口北岸卽夏口境其小河口外卽江漢合流繞夏口境之南而東淪水合北境湖水入江一支由沙口入江又東北至沙口卽江夏及黃陂界矣

廣濟縣

江水自蘄州界南流稍東至馬口港入縣界又東五里逕田家鎮

十里盤塘三十里武穴鎮三十里龍坪三十里蔡山入黃梅縣界自盤塘沿江築隄歷茅林急水狗兒龍塘窩陂穴下青林汪家中廟五里黃花寶賽共十二蓬計七千一百四十丈雖臨江而無頂冲之工惟歲修加培高厚卽可無虞縣北梅川源出橫岡山匯諸谿谷水而爲川逕縣北又南逕春風橋西流至清流橋有清流港自北來注之折而東南逕紫石頭匯武山湖由官橋連城港入於與黃梅接界之太白湖縣東北斤竹河源出東衝山與同源分流之車坊河合注於太白湖縣西北團山河朱家淵諸水則附於蘄州之蘄水分由馬渡口烏林港入江皆有水利而無水害惟江水雖處下游亦虞泛溢全以隄防爲保障其歲修向係按畝派夫

黃梅縣

江水自廣濟縣境龍坪東三十里入縣界逕新開鎮又三十里逕

小池口

按小池口半屬江西德化縣

又三十里逕段窑市又東卽安徽宿松縣

界沿江築隄由廣濟界之寶賽口起歷涼亭口丁家口商家口沙灣口潘興口中閒江西德化縣何家堡隄下接馬路梅家胡家楊家劉左正港等口至董家口交宿松縣界止分十三段其長九十里內以潘興口迫臨江潁楊家口爲德化縣之曾家洲圻衛洲沙觥逼溜頂冲最爲險要又自馬路口之丁家觥起有驛路隄歷嚴家閘至孔隴鎮三十里又四十里至濯港鎮止其長七十里爲南北通衢所有江隄向由民間按畝派夫修築至境內湖澤以太白湖爲大廣濟縣東北境諸水俱歸焉迤東南接張家湖源湖感湖涉湖又縣東北之水源出唐家鼓角二山一曰隆斗河一曰鼓角河過亭前驛二水合流名兩河口逕縣治南入張家湖殷家河逕下新市與感源二湖會又縣西北之水源出紫雲山會三十六水逕大河鋪入濯港又源出安德山之漆水港及出大業山之水逕雙城驛舒城山亦入濯港與東北之水會入源湖均西通太白湖至東觀市入安徽宿松縣境又東北由望江縣之急水溝入於江縣境處江漢下游地勢卑窪而彭蠡水又南來衝突之故隄塍潰決之患較廣濟爲烈


濱漢各縣隄防圖說

志四十一

建置十七 隄防

十一





襄陽縣

漢水東流經城北其北岸卽古樊城有土隄圍之漢水中流如在
 峽內唐白河又自北來亂之波激爲患故築老龍石隄以禦之而
 樊城土隄今亦贅石以資捍衛老龍石隄起萬山之東至宋家嘴
 六號皆水勢平易又起自臥鐵牛至二工嘴西凡十二號皆臨溜
 頂沖又大沙窩起至丁家嘴止凡十一號亦皆頂沖又長坡埠口
 西至象鼻嘴凡二號水勢平易又大馬頭起至長門止凡八號皆
 近城臨溜至楊泗廟開口止水勢平易又東過唐白河口則漢水
 折而南下矣宜城上下並無官隄之額工

鍾祥縣

漢水自宜城縣境南入縣界東南至王家營交京山縣界止幾三
 百里自縣城南門外龍山觀鐵牛關起至王家營止分十六工計

長一萬六千七百三十丈內以許家隄之萬佛寺劉公菴之眞君廟及王家營爲迎溜頂沖之險要每年歲修按畝徵土官爲經辦與京山縣同漢東豐樂河源出大洪山合諸溪澗之水由豐樂驛入漢今移上由宜城界之流水溝入焉敖水名直河一名池河受虎峪過峽二口之水西北流逕古郢縣界入漢枝水卽富水至敖口入城北湖繞東西北門合金港水至獅子口入漢曰水源出聊屈山流爲寨子河至曰口鎮入漢後以隄阻改由潰口入漢縣西夷水卽蠻水自南漳荆門而下由轉斗灣入漢今移上二十餘里之倒口橫決而入焉利河源出荆門境東流至朱家埠入漢樁水亦東入漢縣境居京山潛江天門諸縣上游隄防關數縣利害如道光壬辰秋縣之季公橋法華菴草廟隄決四口下游均爲巨浸是其明驗蓋沙性鬆浮故也

京山縣

縣境多山惟西南一隅地濱漢水自鍾祥界起至潛江界止約長百餘里按縣志作隄長九十里均恃隄防計工十八段其迎溜頂沖之工以王家營渡船口黃傳口聶家灘最爲危險縣境諸水均詳川志其河渠甚多惟故道近多淤塞不可悉考若相地而利導之亦可收灌溉之利至漢水隄防若有潰決則天門漢川諸縣受禍較縣境爲甚若鍾祥隄決則縣西南境當其衝矣

按縣志縣境漢隄自鍾祥縣曰口界起至聶家灘接潛江縣界止計大隄月隄共長一萬三千八百九十八丈草壩一百四十三丈內有潛江縣隄二段共長五百四十六丈五尺有荆右衛隄六段共長五百九十九丈五尺有鍾祥縣隄四段共長八百三十九丈光緒六年庚辰貢生汪家煥率隄差復行文量無異

荊門直隸州

漢水自鍾祥縣界馬良山口大境至王家潭止

按州志作蕭家口

交潛江

縣界計長八十里馬良之南有小江湖三面環山一面濱漢有民隄長五十餘里向以其地窪下每山水漲發爲患乃分建二閘爲尾閘其下爲沙洋鎮官隄自何家嘴起至王家潭止連月隄分工十九段計長五千七十二丈其地居江陵監利潛江沔陽諸州縣之上游方輿紀要稱明嘉靖二十六年隄決漢水直趨江陵之龍灣市而下分爲支流者九下游州縣多被淹沒今幸沿隄漲有沙灘可資捍衛州境權水馬仙港夾港後港王子港建陽河沮水漳水夷水均詳川志濱湖各垸俱築隄自衛而最關重要者則在沙洋二十五里官隄也

潛江縣

志四十一

建置十七 隄防

古

縣境以漢水爲大澤其分流於四境者皆漢水支流濱漢兩岸皆隄南岸自荊門王家潭入縣界下至天門界止其長九十餘里北岸自交京山界之顏家垸起至車墩垸止其長百餘里此外支河各隄尤爲倍蓰每歲由民間按畝派夫修築官爲督催北境有二汶分漢水爲潛水縣之得名以此支流各水已詳川志惟東荊河西荊河爲其大綱通漢之口則爲大小兩澤口

天門縣

漢水自潛江縣界入縣境南北兩岸皆隄南岸自多多垸起至戴家垸止隄長一萬六千八百六十七丈五尺北岸自長溝垸起至泊魯垸止隄長一萬六千九百四十四丈漢水之南有通順河

漢水支流

亦有堤南岸自潛江葛柘垸起歷上中下三古垸至吳孔垸止隄長四千八百一十三丈北岸自潛江遙邊垸起歷蘆林等垸

至濫溝垸止隄長四千九百六十五丈五尺漢水之北有牛蹠河

按亦漢水支流

亦有隄南岸自龔半垸起歷譚家垸至五十三丈止隄長

二萬三百七十四丈內五十三丈隄長一千一百餘丈天門漢川

二縣協修歷年俱有成案光緒初漢川業民呈稱隄內田畝屬漢

川者自河心量至隄裏僅五十五丈寬其裏首之田盡係天門沔

陽二州縣田業以隄址坐落漢川地界故指派漢川承修事係偏

枯致相觀望等語查與志載兩縣分修之案互異道光辛卯此隄

潰口已據候補縣丞王溶度認爲捐修此後若不明定章程必致

仍前互相推諉坐視廢棄七十二垸田糧保障攸關亟宜會勘清

丈隄內受益田若干頃按畝派土二縣分年承值以昭公允北岸

自尹家垸起至漢川田二河止隄長一萬七千七百六十丈又大

河之左牛蹠河之右有獅子河卽乾灘河下至中殷河隄入漢今

出入之口均淤至城南有護城隄係防上游隄潰漢水衝刷城址而築長七八里擁西南東三湖爲保障自明迄今屢決屢築與沿漢隄並重矣縣境自西至東延亙百數十里有縣河一道總名汭水詳見川志縣境地勢東南多水西北多山附漢沔者地坦而卑界京山者地高而阜故迤北資山泉之灌溉縣南漢水之濱乃以隄防爲重焉

沔陽州

沔爲澤國面江背漢漢水自天門縣多祥河入境南北皆隄南岸自新泊垸起至漢川縣之甯家垸止隄長九千五百零一尺北岸自潭灣垸起至東橫隄止隄長八千零七十八丈內上中南兩號之間有成功閘洩隄內沈湖之水注於漢沈湖之北有曾家閘洩湖水注於牛蹠河湖西有殷家河開隄一道又西爲黃沙湖天門

之十三垸在焉道光辛卯歲天門彭市河隄決十三垸民以西北阻於牛蹶河隄積水無從宣洩遂掘殷家河開隄洩於沈湖致沔境西長馬骨等垸均成巨浸互起爭端若令十三垸於黃沙湖下開渠於牛蹶河南隄建閘洩積水於河自不致掘開隄以壑鄰矣又南岸繞仙桃鎮左右分二支河流而東其濱南岸之垸曰桂子曹家等垸又稍南分支河東達漢川其隄向歸民修又漢隄之北上承天門牛蹶支河逕天門下十三垸漢川境之五十三丈自馬腦垸起壘北岸脈旺嘴止達於漢川隄長一千四百零九丈各工以南岸嚴泗號北岸陶北杜三號及長團垸迎溜頂沖最爲險要其餘由潛江之班灣河流於西湖者一小支環沔城出柳口與班灣下流之水合又一小支入紅廟諸湖澤中北達黃荊口注於仙桃鎮之河復回旋於長壩口注於赤野湖又城河一小支爲漕河

自柳口環城西北達於三江口又自排沙渡一小支折而東爲剏河南注西湖又自蘆汊河逕剏河范漑關麻港至黃荊口又分一支自范漑關南播於劉家渡其在東北境者則漢水由仙桃鎮東西兩岸分支一由荷湖等垸經長壩口一由蘆白等垸至黃荊口均注於太白湖在昔湖泊廣大水有容納之區久而淤墊壅爲阡陌各爲隄障大者數十里小者十餘里名之曰垸悉佔水道爲田而支河口門又節節淤塞既無瀦蓄復阻歸墟無論江漢隄決有其魚之憂卽潛水暴漲亦巨浸彌天且積潦無從宣洩十年九災未可悉委之天意也

按光緒舊稿云漢水昔由仙桃鎮分支過長壩口出沌口道光二年仙桃鎮下十里之鳳凰頸崩斷成口支河由此口經長壩口而仙桃鎮數里之支河遂涸

漢川縣

漢水在縣之南由沔陽之脈旺菴入境自西而東歷沈波亭等處至楊池口折而北流逕繫馬口繞縣城東門過石滾壩至涇口抵漢陽縣界計長一百五十里此漢水之正流也北岸接沔陽之彭公及裙帶六湖香花姚兒江西麻埠等垸至縣城東南止均築隄計長一百一十里南岸惟太安索子謝家三垸有隄計長三十里餘俱民垸及做畝又一支由天門之牛蹠支河自乾鎮驛入田二河下至張池口南合漢水北達竹筒河蝦子溝折而東入東湖口分由洋子港劉家壩河注涇口以入漢又分一小支由喻家官垸斜東北流至鄧家民垸蝦子溝集與乾鎮驛之水會又一支自沔陽仙桃鎮支河經縣南境周家幫入漢陽境此皆漢水之支流也縣西北之水自天門阜市河至禹家港入境由張家渡東北流匯

志四十一

建置十七 隄防

七

三台東湖諸水過洋子港入涇又應城五龍河出三台龍骨等湖至左家渡會東湖北來之水亦過洋子港注於涇入漢又府河自應城長江埠入境東南流出劉家壩注涇口入漢又安河源自孝感淪河南流入境注於府河此涇口以上諸水入漢者也又竹筒河東分一支下達城隍港環縣東門馬頭入漢又一支北入沔陽湖松湖慈湖達腰帶河又名新河東逕入漢北出橫湖並經劉家壩河注涇口入漢此又漢水之別流也縣之西南水自蓮子壩東流繞西江亭集過南河渡集入漢陽界是又本境之水也川澤縱橫地居鍾京潛天河五州縣下游各屬隄一有潰決則縣境受禍雖有沔漢等湖可資容納而漢水一綫宣洩不及又有涇口受安德二府之水截阻去路每易旁溢橫決一髮危隄詎能如鐵石之堅議者謂於各淤河及各口濬之導之亦可助其宣洩焉